

յայտնի երեւի 'ի բովանդակութենէ արձանագրութեանս . զի յառաջագոյն բազում անգամ վէճս և խռովութիւնս յարուցեալ են 'ի միջի իւրեանց վասն եկեղեցւոյն , Այրին Ծննդեան և գերեզմանի Ս . Աստուածածնի . և Օսմանեան Տէրութիւնն 'ի թուին \ԿԿ\ առաքեալ է Դատաւորս եւ Ոստիկանս յերուսողէմ և հրովարտակաւ բաժանորդ արարեալ զերկուս տեղիս՝ երկաքանչիւրոց տուեալ Հէօճճէթս : Եւ 'ի նոյն թուականէ մինչեւ \ԿԵ\ թիւն , զոր ինչ ունէր ոք՝ այնու չատացեալ է , և առանց հակառակելոյ միակերպ ընթացեալ են : Սակայն յեկեղեցին Բեթղեհէմի և յԱյրին եկեղեցական սպասք և զարդարանք Յունաց առաւել են քան զՀայոցն . եւ 'ի բաժանորդութեան Հէօճճէթս ոչ են գրեալ յայնժամ բացորոշ եկեղեցական սպասս իւրաքանչիւր ազգաց . և մի միայն 'ի բաժանորդ բառէ բաղկացեալ կամեցեալ Հայոց հաւասար բաժանորդ լինել Յունաց , 'ի թուին \ԿԵ\ 'ի ձեռն Դատաւորին առաջի Քաղաքապետին և գլխաւորաց այլազգեաց քաղաքին կախեալ են ըզպատկերս և զկանթեղս , զորս գրեցաք 'ի վեր անդր :

Յայնժամ Յոյնք ոչ են տուեալ հաճութիւն , եւ Հայք ոչ են չատացեալ , թէ տակաւին ոչ եղև կատարեալ բաժանորդութիւն . և 'ի լինիլ գժտութեանս այսմիկ՝ Փոխանորդք երկուց ազգաց եւ ժողովականք թողեալ զգործն 'ի վիճակի իւրում մեկնեալ են անտի , և վասն այսր ոչ են տուեալ Հայոց Հէօճճէթ 'ի դատարանէ : Եւ թէպէտ յետոյ կամեցեալ է Դատաւորն եղծանել զիրոն զոր արար , այլ դադարեալ 'ի սլաշտօնէ իւրմէ՝ մեկնեալ է անտի : Եւ 'ի քննութենէս յայսմանէ յայտնի եղև թէ գործն մնացեալ է այնպէս 'ի վիճակի իւրում . և ոչ են հակառակեալ Հայք հրովարտակին Յունաց , որ զինի սլատահմանցս ելեալ է : Նոյնպէս և գործն լեալ է 'ի ժամանակս Օմար Նասիպ Դատաւորին , և ոչ ամբաստանեալ Համտուլլահ Դատաւորին , որ 'ի ժամանակի քննութեանս լրացաւ պայմանեալ ժամանակ նորին և մեկնեցաւ աստի : Այս է նկարագրութիւն դատին եկեղեցւոյն Բեթղեհէմի :

Նիստ երրորդ .

Հաֆրդ Բաշիտ էֆէնտի : Վերջացաւ քննութիւն դա-